



Handwritten text at the top of the page, possibly a title or header, which is mostly illegible due to fading and damage.

Handwritten text in the center of the page, possibly a signature or a date, which is mostly illegible due to fading and damage.

N  
M  
RO  
Co  
fen/  
LOA  
tin  
ne  
Co  
  
lione  
sed  
nat  
ism  
sum  
Diff  
LI  
nes  
mm



NOBILI AD-  
MODVM AC STRENVO VI-  
RO, D. GVILIELMO à Waldenburg/  
COGNOMENTO Schenecken de Hilgen-  
sen/ ILLVSTRISSIMI Principis ac D. D.  
IOANNIS GVLTIELMI Iulie, Clivia, & Mon-  
tium Ducis, Comitjs Marchia, &c. Co-  
siliario intimo, & Satrapæ, &c  
Domino suo.

**H**esaurum tibi of-  
fero vir NOBI-  
LISSIME, non  
illam quidem ex me-  
liori metallo aut Indicis lapillis;  
sed chartaceum, in Italia olim  
natum, & quum à Germanis  
tum ab alijs eius lingua imperitis  
summo opere hætenus expetitum.  
Dissertationes quædam sũt PO-  
LITICIS de rebus, tũ Relatio-  
nes & Instructiones: quarum o-  
mnium cognitio non inuendatũ-

## EPISTOLA.

tum est & utilis verum etiā ad  
 quamcumque Rempubicam re-  
 te feliciterq; administrandā ne-  
 cessaria. Audacter dico: & Reges  
 & Principes, & eorū Consiliarii  
 & Administri heic nōnihil inue-  
 nient ad suū vsum. Etenim quis  
 est quisnam egregie capessere ac  
 regere Rempubicā possit, quum  
 genus ipsius Reipublica ignoret?  
 aut quis est qui optime ciuitati  
 sue possit consulere, si neq; ciuium  
 mores atque ingenia, neque insti-  
 tuta percalleat? quis denique v-  
 tilem ac salutarē de pace aut bello  
 sententiā dixerit, nisi sua Ciuita-  
 tis opes, nisi vectigalia, nisi terre-  
 stre m naualemque apparatus,  
 nisi bellicas sociorum atq; hostium  
 faculta-



## EPISTOLA

facultates ante cognouerit? Quæ  
 ferè omnia non fuisse quidem (infi-  
 nitum enim id esset) sed breuiter  
 in hoc nostro Opere explicantur:  
 cuius hac veluti Præmissa siue  
 Primitias Nobilissimo tuo nomi-  
 ni dedicare volui & consecrare.  
 Quum enim iã olim in maxima-  
 rum atq; arduarũ rerum admi-  
 nistratione difficilimis Reipubli-  
 ca temporibus versatus sis: omni-  
 no iucundam libri huius lectio-  
 nem futuram tibi existimaui, re-  
 cognoscenti heic ea quæ ipso usu  
 atque experientia iam dudum  
 comperisses, & quorum ignorati-  
 one multa in Republica quotidie  
 peccantur. Quanquã, ut verum  
 fatear, non omnia quæ heic conti-  
 nentur

## EPISTOLA

nentur eiusmodi sunt ut omnes in-  
 uare aut delectare possint: sed quid  
 facias? ut in horto variis flori-  
 bus consito eos potissimum legimus  
 quorum color & odor nobis ma-  
 xime arridet, ita heic censeo quis-  
 que sibi decerpit quod maximum  
 commodum fore videbitur. Quod  
 eo dictum volo, ut ne nasutus ali-  
 quis statim sibi placeat, si quam for-  
 te est multis gemmis minus precio-  
 sam, aut est magno pecunie aceruo  
 numum aliquem non optima nota  
 inuenerit: quorum morosa iudicia  
 accuratissimum tuum unius iu-  
 dicium et auctoritas facile eleua-  
 bit. Sed & duplex alia est causa  
 cur hoc faciendum ita mihi existi-  
 marim: publica una, altera pri-  
 uata.



# DEDICATORIA.

nata. Etsi enim idem tibi euenit  
 quod summis plerisque viris con-  
 tigisse olim legimus, ut scilicet in-  
 uidiam atque amulationes quo-  
 rumdam euitare non potueris: quod  
 tamen maius aut præclarus inte-  
 gritatis testimonium contingere  
 tibi possit, quā quod posteaquā ab  
 iis quos rexeras discessisti, plerique  
 omnes ita luxerunt, ut quasi opti-  
 mo patre orbatū viderentur idque  
 etiamnum publica voce fateatur.  
 Mihi quidem eā hactenus bene-  
 uolentiā & humanitatem presti-  
 tisti, ut nisi eā publico quasi præ-  
 conio testarer, vitam mihi acer-  
 bam putem. Nobilitatem alij lau-  
 dādam existimabunt: at ea Ma-  
 iorum potius quam nostra est:

\*

4

Fortuna

## EPISTOLA

Fortune bona alius commemo-  
 rāda arbitrabitur. at incerta hac  
 sunt, & indignis saepe contingunt.  
 In te vero ea est veriorū ac soli-  
 diorum bonorum copia, ut te his  
 secunda, ut ita dixerim, nota bo-  
 nis censerī non sināt: sed in primis  
 animus erectus, & ad res magnas  
 ab ipsa Natura factus, & nō me-  
 diocris tēporis experientia ipsoq;  
 usu quam optime informatus.  
 Multa alia heic de laudibus tuis  
 cōmemorare possem, nisi singula-  
 ris tua modestia silentiū mihi im-  
 peraret. Quod igitur restat, sus-  
 cipe, vir Nobilissime, te uidentē  
 hoc munus, chartaceumq; The-  
 saurum, & tuis publice Virtuti-  
 bus, & officiis priuatim erga me  
 debi-



DEDICATORIA.

debitum; meq<sup>3</sup> ut hactenus, ita  
porro clientum tuorum numero  
vel extremo saltim loco adscri-  
ptum patere. Colonia XXV.  
Martii Anno MDCIX.

Nobiliss. Tuæ Dom.

Observantissimus

Gerardus Greuenbruch.

\*

S

AD

## Ad Lectorem

### P R Æ F A T I O.



ERVS est & tritum sermone verbum: Magistratus ostendit virum. Et sane ita est. Multi qui superiores etiam grauissimis negotiis existimantur, vbi gubernaculis admoti fuerint vix pares inueniuntur. Est enim maioris molis opus quam vulgo putatur, vnum præesse pluribus, & ab vno capite tot capita coerceri. At hic merito locum illud habet: Difficilia quæ pulcra. Quid enim laudabilius quam omnium inuigilare salutem? quàm iustitiam omnibus æquabiliter administrare? quàm bonis præmia, malis poenas decernere? quàm tam varios casus in Republica, quantum humani ingenii imbecillitas assequi potest, non prospicere tantum, verum etiam ad vnicam publicæ salutis cynosorum dirigere omnes & accommodare. Hinc merito magna semper apud omnes populos eorum laus fuit, qui rempublicam dextre ac prudenter administrarunt, vt etiam multis propterea diuini tributis honores: quos cōmemorare hic nihil attinet. Laudatur abditarum & in naturæ sinu reclusarum rerum causarumq; cognitio & merito laudatur, vt pote diuini hominis ingenio maxime digna. Ad cælum effertur, & iure quidem, ea quæ in Moribus ad rectam Rationem  
confir-



## P R Æ F A T I O.


confirmandis versatur disciplina. Ceterarum quoque liberalium artium suus cuique est honos. At quis harum omnium est scopus? quis finis? quæ meta? Politia scilicet, siue Ars administrandæ Reipublicæ: cui tanquam Regina, ceteræ omnes ancillantur. Huius vero artis quamuis multa à multis præcepta sint consignata & litteris prodita. pauci tamen sunt qui omne, quod dicitur, punctum tulerint. Quum enim varia sint nō populorum tantum, sed hominum etiam ingenia, moresq; diuersi, ac proinde aliæ quoq; leges & instituta, alia imperii administrandi ratio; horū vero (vt infinita alia præteream) omniū cognitio Politico futuro maxime sit necessaria: fieri vix potest vt vnus omniū, præsertim ipso vsu & experiētia (quæ optima quidem; sæpe tamē stultorum est Magistra) assequatur. Vita enim brevis est, Ars longa. Quocirca mihi omnes quicunque in hoc scriptorum genere elaborarunt, si non mirifica aliqua laude, excusatione tamen digni videntur. His si quis librum illum, qui Italica lingua conscriptus sub titulo **T H E S A V R I P O L I T I C I** prodiit, accensere velit meo iudicio, non aberrarit. Rhapsodiæ sunt, fatcor, & varia, veluti ad magnæ alicuius domus constructionem, sine ordine, sine dilectu in vnum aceruum congesta materiatio: è qua tamen peritus aliquis artifex pulcerrimam Artis Politicæ arcem nullo negotio facile sibi exardificare possit. Eum  
librum

## P R A E F A T I O :

librum expeditum à multis, nuper in Latinam  
linguam conuvertere cœpi, liberiori quidem, at  
fortasse non inconcinniori methodo ac or-  
dine. Animus quidem initio erat, RELA-  
TIONES omnes, tum INSTRV-  
CTIONES, postea DISSERTATIO-  
NES sigillatim quasque persequi: at quum  
hæc pleraq; eiusmodi sunt vt subinde aliquid  
addi, aliquid detrahi possit, multa etiam muta-  
ri debeant; ordinem hunc commodissimum  
esse duximus, nullam seruare ordinem, sed va-  
rios in vna veluti Areola flores conferere: è  
quibus decerptis, nitidam tibi ipse & pulcer-  
rimam corollam facile possis contexere. Reli-  
qua huius Thesauri his quæ iam damus,  
cum Deo ad futuras nundinas sub-  
iungemus, accurratori fors-  
an stilo, & meliori  
iudicio.

## INDEX





## INDEX

# A P O T E L E S - M A T V M Q V Æ I N H A C T H E S A V R I P O L I T I C I P A R - T E C O N T I N E N T V R .

I. **D**E Imperiorum fundamentis, eorumque recte ac feliciter administrandorum ratione ac modo dissertatio. Cap. 1.

Consilium proprium Principi esse pernecessarium. Cap. 2.

De fontibus siue origine proprii Consilii siue prudentia, & de natura. Cap. 3.

De Educatione. Cap. 4.

De Experientia. Cap. 5.

Quæ & quales primæ esse debeant Principis actiones. Cap. 6.

De ministrorum delectu. Cap. 7.

Quindecim administrandi Imperii adminicula sua instrumenta breuiter explicata. Cap. 8.

Rei militaris constituenda præcepta quadam. Cap. 9.

Quibus modis quaque industria pax tuenda sit. Cap. 10.

II. Roma viribus rerumque ad hodiernum eius statum & imperium pertinentium Descriptio: & de Sixti V. Pontificis electione Relatio.

III. N. Legati ad Serenissimam Venetorum Republicam.

# INDEX.

publicam, Instructio, vbi multa de Veneris  
tam publice quam priuatim cognitu neces-  
saria.

- IV. Venetæ Reipublicæ rerumque ad eam pertinen-  
tium, præcipue vero Finium, Opum, Regi-  
minis, Magistratuum, &c. copiosa & accu-  
rata Descriptio.
- V. N. ad S. C. M. & B. R. A. A. &c. Legati Instru-  
ctio. vbi multa de Sacro Romano Imperio, e-  
iusq; Principibus, &c.
- VI. Ditionum Rudolpho II. Romano Imperatori e-  
lecto, &c. parentium Descriptio: Germaniæ  
scilicet, in primis Austria, Bohemia, Hunga-  
ria, Transyluania, &c.
- VII. Familia Ausuriaca imperii ditionum Descriptio:  
vbi eius origo, Genealogia, & vires contra  
Turcas, &c.
- VIII. Turcici imperii Descriptio: deq; eorum militia,  
&c. tum Comparatio virium cum Regis Ca-  
tholici viribus.
- IX. De bello Turcis inferendo, eiusq; gerendi modo  
Consultatio.
- X. De imperio & ditionibus Catholici Hispaniarum  
Regis, &c. ac præsertim in Nouo Orbe (qui  
copiosè descriptus) Relatio.
- XI. De Regno Gallico sine Francico Relatio.
- XII. De Insula & Regno Gallia Relatio.
- XIII. De Regnis Scania sue Scaniauie, ac Septrio-  
nalibus, Suecia scilicet, Dania, Noruegia,  
Islandia, &c. Relatio generalis.

XIV. De

XIV

XV

XVI

XVI

XVI

XIX

XX

XXI

XXI

XXII

XXII

XXV

XXV

XXVII



# INDEX.

- XIV.** De regno Suecia Relatio specialis.
- XV.** De Regno Polonia, Lithuania, Liuania & Prussia, Relatio.
- XVI.** De Magno Ducatu Moscouia Relatio.
- XVII.** De Sabaudia, Pedemontio, &c. Relatio.
- XVIII.** De imperio Magni Ducis Hetruria siue Florentia Relatio.
- XIX.** De Ducatu Ferrariensi Relatio.
- XX.** De Ducatu Vrbinati Relatio.
- XXI.** Laurentii Mocenici de sua ad Vrbini Ducem Legatione, Relatio.
- XXII.** De statu Insubria siue Mediolanensis Ducatus Relatio simul N. N. ad regendam eam Prouinciam missi Instructio.
- XXIII.** De Heluetiorum Republica, deq. eius forma Federibus, &c. ex Ioanne Bodino Relatio.
- XXIV.** N. Legati ad Heluetios missi Instructio.
- XXV.** De Germania inferiori siue Belgica Relatio: & quomodo eius prouincia ad Austriacam Prouinciam siue deuoluta.
- XXVI.** I. L. V. Cl. Epistola, qua respondet cuidam Nobili viro, exquireti Bellumne an Pax an potius Inducia Hispaniarum Regi expediant, cum Gallo, Angla, Batau.
- XXVII.** Illustr. D. Petri Caetani in Belgium ad militarem artem sub Alexandro Farnesio Parmensi Principe exercendam, & Regi Catholico inseruiendum missi, Instructio.

Francisci

## INDEX.


- XXVIII. *Francisci Lottini de Pontificis electione, & medijs Pontificatum consequendi, Relatio.*
- XXIX. *M. Antonii Mureti ad Illustrissimos & Reuerendissimos Cardinales ipso die Pasche, quum subrogandi Pontificis causa conclauis essent ingressuri, Oratio, in qua virtutes Pontifici necessaria explicantur, &c.*

FINIS INDICIS.



RERV M





RERVM POLITICARVM

THESAURI  
APOTHELESMA  
PRIMUM:

*Quod est*

DE IMPERIORVM FVNDAMENTIS,  
eorumq; recte ac feliciter  
administrandorum ratio-  
ne ac modo

DISSERTATIO.

CAPVT PRIMVM.



RIA sunt praeipue, quibus, ceu  
fundamentis vniuersa omnium  
Imperiorum moles innititur atq;  
incumbit:

Consilium, Vires, Auctoritas.

Hæc eadem partes sunt, vt Philosophi loquun-  
tur, essentielles, quibus Princeps efformatur.

CONSTITVIM voco, id rectæ rationis lumine  
quod imperandi adinivula siue instrumeta quæ  
Principi commonstrat. Ea sunt sagax, compa-  
rabilis, athena.

## 2 THESAURI POLITICI

noscentis subditorum ingeniis; Prudentia in ferendis legibus ad eorum captum & mores accommodatis; Disciplina in constituenda re militari; Ars belligerandi, Pacis tuendæ industria; diligens aduersus subita casuum Preparatio; forma amplificandi imperii; in statibus ex æquandis Iudicium; temporibus obsecundandi Dexteritas; maturitas in deliberando; in exsequendo Celeritas; in agendo Constantia; animi in prosperis æque & aduersis Æquitas ac Moderatio; rerum diuinarum & ad Religionem pertinentium cognitio & cura tanta, vt nec superstitio meticulosum & inquietum, nec licentia securum reddat. Ad VIREs sex hæc pertinent: subditorum Amor & Beneuolentia, imperii Antiquitas, Amplitudo, vires Vnitæ, Arma, Opes, AVCTORITAS est Fama illa præclara siue efficax Opinio de Prudentia & viribus Principis inter alios populos ac Principes sparsa, animisque cõcepta. Quum vero trium harum vocum latissime pateat significatio, ac varias res vnaquæq; complectatur; singulas seorsim enucleabimus, hancq; omnem Dissertationem in treis partes diuidemus, in quarum prima de CONSILIO, in secunda de VIRIBVS, in tertia denique de AVCTORITATE disseremus.

### CAPVT II.

*Consilium proprium Principi esse pernecessarium.*

CONSILIUM, quo Principem vti volumus, duplex est, *Internum siue Proprium, & Externum*

*Vires in quibus rebus posita.*

*Auctoritas quid.*

Ext  
in ip  
intel  
quoc  
hoc  
send  
tem;  
extre  
re sci  
cum  
alioru  
tur.  
erunt  
gere s  
parib  
cto ta  
perit  
vnà cu  
me ii  
tantu  
sic tan  
pe im  
dum e  
sunt;  
terea i  
nes ple  
diuers  
public  
rates,  
gnitati  
stimati

*Externum* siue *Alienum*. *Internum* illud est, quod in ipso Principis animo nascitur, & à sua ipsius intelligentia ac iudicio producit. *Externum*; quod ab iis datur qui Prudentiæ opinione ad hoc munus sunt delecti. Primæ notæ ille censendus est, cui quod opus est, ipsi venit in mentem; secundæ, qui bene monenti obtemperat; extremæ qui nec ipse consulere, nec alteri parere scit. Mediocritas illa in Principe quidem locum non habet. Si enim sibi ipsi non sapiat; aliorum Consiliis tanto facilius pessum dabitur. Nam aut ii quorum consiliis utitur, & ipsi erunt imprudentes, (quod plerumque contingere solet. Pares enim, ut est in proverbio, cum paribus facillime congregantur) atque hoc pacto tanto celerior erit ruina, quanto plures imperii machinæ manus admouerint, eundemq; unà cum Principe impulerint. Aut si vel maximum ii hoc nomine & officio digni fuerint, & ad tantum imperii onus sustinendum idonei; ne sic tamen quidquam recte fiet, quum in Principe imprudente nec Iudicii satis sit ad peruidendum ea quæ ex rebus deliberatis factu optima sunt; nec auctoritatis ad ea perficienda. Præterea inter Principum Consiliarios æmulationes plerumque & discordiæ existunt: quumq; diuersos sibi quisq; fineis habeant propositos, publica ferè consilia ad priuatas dirigunt utilitates, variisque artibus suis magis augendis dignitatibus quam Principis honori atque existimationi velificantur, ex quo fit ut Princeps

A 1

impru-

*Princeps à se-  
ipso sapore de-  
betur.*



imprudens ac talium artium ignarus, misere decipiat atque in præceps detur. Huc accedit quod in hominibus sapientibus & cordatis nunquam is est aduersus stupidioris ingenii Principem amor qui in bonis Consiliaris requiritur. Ita enim comparatū est ut vitia contentum pariant; contentum odium sequatur. hinc quanto quis sapientior est, & melior, tanto magis hominis fortuna sua indigni imperium detrectat. hinc fides quoque labascit; quæ si desit Consiliariis, incautus Princeps aut venditur, aut velut mobile lignum alienis nervis quod quisque volet ducitur. Det igitur operam princeps qui rerum summam penes se esse vult, ut intelligat omnes, administrando imperio solum se parem esse. Nec vero quod Prudentiam hanc propriam Principi inesse volo, ideo alienum consilium ab eo excludo: quum nullum maius indicium bonæ mentis Princeps possit ostendere, quam si adiungat sibi & familiariter habeat viros virtute & fama celebres. Nam omnes statim iudicabunt eum talem esse, quales ij qui apud illum. Hoc tantum cauebit, ne socios illos, sed adiutores tantum imperii cepisse, utque supra illos sapere videatur. In grauioribus negociis suadeant illi & moneant, non decernant; Principem in imperio iuuent, non doceant. Ut denique ad viuendum sua cuique anima est necessaria; ita Principi ad imperandum Prudentia: & ut sine illa homo non est; ita nec sine hac Princeps.

*Consilarii  
qui utiles  
eorum mu-  
tati.*

CAPVT III.

*De fontibus siue origine proprii Consilii siue Prudentia: & de Natura.*

**I**NTERNA Prudentia è triplici fonte pro-  
manat, *Natura, Educationis, Experientia.* *Natura vis.* Natu-  
ra primas velut intelligentiæ fenestras aperit,  
pro temperamenti, à quo primæ formæ & linea-  
menta moribus omnibusque animæ functioni-  
bus imprimuntur, qualitate, vel plus vel minus  
luminosas. Quum enim anima corpore ad fun-  
ctiones suas obeundas vtatur; dubium non est,  
quin ad eius temperaturam animi quoq; incli-  
nationes atque affectus sese accommodent. Et  
hæc quidem Naturæ vis tanti est, vt si forte in  
quopiam humor aliquis naturæ vitio tanto pe-  
re dominetur, vt rationis fræno vix ac ne vix  
quidem compesci queat; is ad imperandum o-  
mnino sit ineptus, aut ludibrium fortunæ de-  
beat. Porro è quatuor illis humorum tempera-  
mentis in Principe sanguineum prætulerim, a-  
tra bile nonnihil temperatum, vt nimius san-  
guinis feruor hac veluti affusa aqua aliquantul-  
um tepescat. Hoc enim temperamenti genus  
moribus decoram quandam & amabilem gra-  
uitatem, & corpori sanitatem vitamque longæ-  
uam cõciliat, animum ad modestiam, iustitiam,  
fortitudinem, clementiam inclinât, eandem di-  
sciplinarum ac Prudentiæ præceptis facîle per-  
cipiendis aptam reddit; solum denique philtri  
quandam ac fascini vim habet, qua homines ad

*Quod tempo-  
rumentum  
in Principe  
optimum.*

*Phlegmatica complexio à Principe alienissima.*

*Cholerici quales.*

amorem pelliciuntur: tantumq; efficit, vt multi olim Principes huius vnus beneficio totius vitæ cursum inoffensum elegâter & cum dignitate confecerint. At complexio (vt vocant) minime omnium Principi conueniens illa est, in qua pituita abundat. Quibus enim talis, seruitus magis quam imperiis apti, ad disciplinas tardi, in consiliis stupidi, ad rerum momenta pigri, ad suspensiones ob intellectus imbecillitatem proni (qua vix vlla est in publicis rebus pestis capitalior) animis pusilli, in consiliorum atque actionum finibus & scopis vel timidi vel sordidi, in decernendo dubii, in exsequendo inconstantes, quibus in rebus omnibus casus magis quam Prudentia locum habet; huiusque tales vix vnquam alieni consilii veluti pedagogyo vel tutela liberantur. In quibus flaua bilis siue cholera abundat, in confinio virtutum ac vitiorum sunt positi; grata quidem corporis specie, sed fragili, ob texturæ, vt sic dicam, raritatem, & facilem humorum mutationem: vnde vitæ exsistit breuitas, & tam animi quam corporis mollities quædam, grauib; negociis non sufficiens. Tales insuper iracundi sunt, iasciui, ingrati, faciles nimis atque aperti, minimeque eam grauitatem quæ talem decet fortunam, seruant. Quantum vero ad alios animi attinet affectus, vtutibus iidem propiores sunt; in consilio capiendis celeres, ad exequenda prompti atque in rebus in negociis gerendis strenui, in promouendis admodum illis finibus generosi. Temperamen-

per  
tan  
rima  
men  
statu  
quan  
nihil  
largi  
ues,  
mid  
Qua  
ad q  
pium  
neces  
que  
mori  
accu

IN  
vi  
hum  
mult  
lorum  
est. E  
rum  
scilicet  
tibic  
bibos  
flore



peramentum melancholicum etsi nec aspectu *Melancholi-*  
tam gratum faciat Principem, nec tam moribus *ci.*  
amabilem, nec animo tam fortem, nec ad ele-  
mentiam tam pronam quam fortuna ipsius &  
status forte requirit, sed castigare magis vitia  
quam virtutes remunerari paratum: corporis  
nihilominus sanitatem & laborum patientiam  
largitur. Iidem ingenioli sunt, parci, taciti, gra-  
ues, industrii, alieni à voluptatum illecebris, ti-  
midi quidem, sed in gubernandi curis assidui.  
Quandoquidem verò his animorum motibus,  
ad quos corporis quadam contagione abri-  
piuntur, raro vim faciunt ac resistunt Principes;  
necesse est vt qui sine errore de vita ipsorum at-  
que actionibus coniecturam facere velit, hu-  
morum eiusmodi temperamenta in singulis  
accurate obseruet ac perspecta habeat.

C A P V T . I V .

De Educatione.

**I**N Educatione tanquam omnium virtutum ac *Educationis*  
vitiis fonte atque origine, præcipuum *vis.*  
humanæ felicitatis momentum consistit. Huic  
multorum imperiorum salus ac ruina, popu-  
lorum seruitus vel libertas accepta ferenda  
est. Hæc si bona sit, mater est & nutrix bono-  
rum morum; ex bonis moribus (Principum  
scilicet) bonæ leges nascuntur; bonæ verò leges  
tibicines veluti sunt & fulcra potentix. Iam v-  
bi bonis moribus, legibus & armis imperium  
florebat; necesse omnino est vt respublica ma-

## 8 THESAURI POLITICI

*Educatio  
quid.*

gnus viribus, felicitate subditi, Princeps majestate quadam singulari sit praeditus. Est autem *Educatio* nihil aliud, quam bona & diligens animi cultura, quæ lumen intellectui præfert, imperium rationi tribuit, terminos voluntati ponit, affectibus frænum iniecit, regulas actionibus præscribit, ipsum deniq; corpus omniaq; eius membra ad agilitatem & laborem format: qui quidem fructus ad maturitatem nunquam perveniunt, nisi iis in animis quibus semina hæc suo tempore sunt dispersa. Quamvis autem omnis ordinis hominibus Educationis huius vis ad bene vivendum tam necessaria sit quam ipsa anima ad vivendum; multo tamen ea magis in Principe requiritur: qui hac deslitutus, non paterfamilias, sed noxium aliquod animal & publica calamitas censetur. Quomodo vero & in quibus rebus puerilis ætas exerceri atque educari debeat; ab aliis copiosè explicatur.

### C A P V T V.

#### *De Experientia.*

*Experientia  
quid.*

**E**xperientia dux est intellectus, magistra vitæ, voluntatis norma, prudentiæ anima, sine qua nec in bello, nec in pace quidquam rite administrari, non corpus imperii pernosci, non morbi quibus obnoxium, explorari, non convenientia adhiberi remedia, non tempus, non modus in iis adhibendis servari possunt. Experientia hæc duplex est, vna communis, ex earum rerum quæ ab prima mundi origine conti-

*Quotuplex.*

gerunt,

gerunt, & variarū in vita humana mutationum  
 obseruatione nata: altera propria, earum rerum  
 quas ipsi in vitæ huius curriculo, vsu quodam  
 notauimus. Hæc sine illa adeo breuis est atque  
 impedita, vt pauci hac sola duce & magistra cum  
 laude res ciuiles administrarint. Est enim ars  
 longa, vita breuis: & sicut tarde ætas hominis  
 adolescit, ita pæne antequam iudicium matu-  
 rue rit, senectus obrepit. Est insuper experien-  
 tia hæc ita nuda, priuatis rebus damnosa, publi-  
 cis vero periculosa: quippe quæ rectum mon-  
 strat per errores, & ordinem à turbis. Quæ au-  
 tem prudentem facit Principem experientia, ex  
 utroq; genere constat. Communis illa triparti- *Communis*  
 ta est. prima hominem docet seipsum guberna-  
 re: secunda, res ciuiles instruit: tertia, sub histo-  
 riarum nomine euentus particulares memoria  
 dignos colligit, & ex præteritis præsentia dispo-  
 nit, & de futuris coniecturam facit: qui vt præ-  
 cipuus est Prudentiæ ( quæ & ipsa è singularibus  
 rebus nascitur ) fructus; ita longe solidiores in  
 eo habet radices, cui amplior & solidior earum  
 notitia & memoria, Historiæ beneficio, cōtigit.  
 Hinc sane est quod multi hac sola experientia  
 freti, ceteroqui tractandarum rerum apud Ca-  
 tanensem & alias Siciliæ ciuitates publicarum ab  
 vsu imperiti Respublicas præclaris legibus fun-  
 darunt: quales fuerunt Charondas, Draco apud  
 Thessalos, apud Milesios Hippodamus, Philo-  
 laus apud Thebanos, apud Carthaginienfes la-  
 bea, apud Chalcidensem Andromachus, Pitta-



cus apud Lesbios, apud Magnesium & Siculos Plato. Equidem vere sapiens is merito habendus est, cui animus harum utraq; subactus est & excultus: quales duo illa non Græciæ tantum, sed omnium etiam imperiorum splendidissima lumina Solon & Lycurgus fuere, quorum legibus olim duæ illæ celeberrimæ lateque imperitantes Respublicæ ultra annos octingentos steterunt, & floruerunt, adeo ut pleræque etiam nostri temporis respublicæ forma administrandi imperii ab iisdem desumpta utantur.

## CAPUT VI.

*Quæ & quales primæ esse debeant Principis actiones.*

**C**ONSIDERATIS in Principe iis rebus, quæ Naturæ benignitate, Educationis diligentia, ductuq; Experientiæ tribuantur; restat ut quæ eius ad imperii gubernacula iam admoti, primæ actiones esse debeant edisseramus; ex quibus plerunq; de futuris augurium capere licet. Est enim à natura ita comparatum, ut in nouitium Principem omnium oculi & mentes defigantur, eorum maxime quorum interest, quibus ille moribus sit præditus: ut subditorum, in quos virtutes & vitia Principum redundant; ut clientum, qui ab ipsorum protectione dependent; ut amicorum, qui eandem cum ipsis fortunam subire necesse habent; ut æmulorum atque hostium, quorum magni refert cognoscere, quem illi imperandi viam inierint, quem

*Principis  
maxima cu-  
ra esse de-  
betur*

quem modum vsurpent, Prudentisne & cordati, an incauti atque abiecti animi signa ostendant. Quod si aliis in rebus omni studio cauent homines, ne, quod dicitur, in limine impingant: quanto id magis Principi in imperii initio est cauendum? Det igitur operam Princeps, vt initio statim intelligant homines, se non tantum præsentis fortunæ, verum etiam cuiusvis augmenti atque accessionis, quam tempus & occasio forsan afferre posset, capacem esse. Quod enim in cæteris rebus dici solet, Principium facti esse dimidium; multo magis hîc locum habet. Porro actiones quibus existimatio atque auctoritas Principi conciliatur, illæ potissimum sunt quæ Religionem ipsius in diuinis, & Prudentiam in humanis rebus ostendunt. Tantum vero religionis valet opinio, vt vbi illa sit, ibi ceterarum quoq; virtutum omnium chorum esse plerique persuasum habeant. Hæc populos veneratione implet, & à tyrannidis metu reddit securos: hæc Principem melius quam vllum satellitium tuerur: fores occludit omnibus incommodis quæ Reipublicæ periculum, Principi damnum minatur; quibus latissimas fenestras aperiunt, in quorum animis illa firmis radicibus non hæret. At longe hic duos illos scopulos Princeps fugiat, Superstitionis, & Simulationis; quarum illa stuporis, hæc astutiæ censetur argumentum. Superstitio quidē & aniles persuasiunculæ, vt antiqui Poætæ verbis utar, *Faciūt annos humiles formidine diuū, Depressosq;*

*Qua initio  
Principatus  
curanda.*

*Religionis  
vis.*

*Superstitio  
fugienda.*

*Depressosq;*

*pressosq; premunt ad terram.* Et sanè vilium ferè aut barbarorum est Superstitio; qui ea, vt bubalinaribus, quovis ducuntur, & nugacissimis hominibus prædæ fiunt. At Simulatio religionis tandem in pudorem, & forte etiam in exitium Principem dabit. Quam enim vera & genuina virtutis species amabilis est, tam odiosus est omnis fucus: quo qui vtūtur, negotia ipsi sua corrumpunt, suisq; ipsi artibus ab aliis petuntur: adeoq; quum in eo sunt vt alios decipiant, tum maxime decipiuntur. Etsi vero artes quibus religionis opinio conciliatur, Principi nonnunquam necessariæ sunt; eadem tamen quando ad astutiam magis quam prudentiam inclinant, plus obsunt quam prosunt. Quū igitur hac Religionis existimatione Principis gloria, stabilitas imperii, populi securitas, pacis fundamentū, vitæ longæuitas, atque adèd in ipsa morte vitæ spes contineatur: prima in ea & ab ea imperii sui fundamenta ponat Princeps, non illa quidem verisimilitudinis aut inanis persuasionis arenæ, sed solido ipsius veritas saxo innixa.

Quæ vero Prudentiæ in rebus civilibus opinionem Principatum adeptis conciliant, duo sunt: rei priuatæ siue familiaris administratio, & electio ministrorum. Et quidem à Principum aulis subditi plerunq; vitæ sibi exemplar quod imitentur, petunt. Hinc magna parte imperii sanitas vel infirmitas, pax vel turbatio plebis, honor Principis vel infamia dependet: qui quanto opulentior est potentiorq; , tanto magis opus habet

*Et Simulatio.*

*Prudentia opinio quibus modis concilianda.*



habet ministris. At hos quí habebit, nisi accersat? Ad quid vero accersuerit, quos primus ipse domesticis vitiis sit corrupturus? Quandoquidem vero humanæ imbecillitatis semper memor Princeps esse debet, cui maxime muliebris sexus est obnoxius: sane perquam necessarium est ut Gynæcei quoque vitam & mores diligenter inspiciat, dirigat & corrigat, non tantum ut eius exemplo totus ille sexus ad dignas se virtutes exstimuletur, sed ut suæ etiam ipse Princeps quieti consulat atque existimationi. Quid enim Augustum cò felicitatis prouectum, ut imperium cum Ioue diuissse videretur, magis conturbauit quam gynæcei probra & flagitia? Iuliæ in primis filiæ, quam ipse gentis suæ carcinoma appellare solebat. Frequens quidem gynæceum ut non negauerim ornamento esse Principi, & aulicis oblectamento; ita illud moneo, rem vitream esse & periculi plenam, atque etiam facilem tragœdiis funestissimis materiam atque occasionem præbere. Principis ergo aulam ac familiam ita institui oportet, ut nec ad virtutem, nec ad splendorem quidquam in ea desideretur, utque ad eius normam atque exemplum vniuersæ ciuitatis mores tuto dirigantur.

*Gynæcei mores curandi.*

## CAPUT VII.

### *De Ministrorum delectu.*

**P** R I M U S ministrorum eorumque quibus præ cæteris fidunt delectus, Principum solertiam ostendit, secretas animi prodit inclinationes,

*In ministro-  
rum delectu  
error unde.*

tiones, & ichnographiam veluti quandam exhibet futuri imperii, ac modulum quo in deliberationibus sint vsuri. Duobus hic modis vt plurimum erratur: aut imperii seu ciuitatis vitio, aut Principis. Ciuitatis, vel regionis; quando vel occulto climatis alicuius influxu ac situ, vel malæ educationis ac morum populi vitio graues & rebus gerendis apti homines rari inueniuntur, vt fere in maiori Asiæ parte. Principis; quum vel ipse suspicionibus naturâ indulgens, vel propriæ imbecillitatis conscius, ab eminentibus virtute ministris adhorret: aut iudicii quodam errore negociorum pondera cum administrorum viribus non recte componit atque expendit: aut nimia animi facilitate fauore magis quam meritis ducitur. Et hic quidem non sine periculo reipublicæ ac Principis semper peccatur; maxime autem sub ipsa imperiorum initia, mutationum ac nouarum rerum periculis per se obnoxia: tum præcipue quando imperium seuere administratur; quando manis tantum eius species & nomen est penes Principem; quando Princeps à subditis lingua, moribus, & quod dicitur, toto cœlo dissidet, quando membrum aliquod imperii à reliquo corpore longe est dissitum; quando in ipsis imperii visceribus potentes sunt subditi, ad æmulum aliquem excitandum atque introducendum idonei; quando populus natura leuis est, inconstans, & incertæ fidei; quando finitimi reges ac Principes opibus præcellunt; quando alius Princeps

*Quam periculosus, & quomodo.*

Princeps imperii ius prætendit; quando Princeps superiorem agnoscit, nouaque Inuestitura opus habet; quando à prædecessore aut rei militaris ordo confusus, aut ærarium exhaustum & reddituum nerui incisi, aut iustitia corrupta est, aut populum nouæ religionis cupiditas incessit.

Iam mores actionesque Principum, quæ in nouis imperiis turbas dare solent, hæ sunt: si Princeps magnitudinis suæ incapax, & fortuna indignus videatur; si ministris imprudentibus & sua tantum commoda spectantibus totum sedet; si veros amicos abalienet, falsos admittat; si iniuria affectis fidat; si consilia turbulenta & noxia aliis communicet; si pacem vel inducias emat, extremam confessus necessitatem; si per imprudentiam subditis fenestram ad res nouas patefaciat; si secreta imperii prodat; si suis ipse manibus per varias suspensiones arma excutiat; si à mercenariis totus pendeat; si deniq; astuta magis quam tuta & prudentia consilia sequatur. Prudentia consilia illa voco, in quibus verus actionum finis spectatur, ad eum consequendum non nisi honesta media vsurpantur. Astuta eundem quidem sibi finem habent propositum; sed in mediis quibus eò peruenitur, eligendis, exiguam honesti habent rationem: quo nihil est apud Deum atque homines magis odiosum. hinc etiam fit vt plerumque talia consilia infelicitè succedant. Etsi enim nonnunquam in iis quæ bonus etiam Princeps agit, honestum vtili quodammodo cedere videtur; id tamen

*Qua cauenda initio imperii.*

*Prudentis consilia quæ, & quæ astuta.*

non



non à voluntate est, sed à vi, quæ Principem ad rerum atque imperii summam potius quam ad alia respicere cogit. Rempubl. enim eiusmodi sepe inuadunt morbi, qui nullis aliis remediis quam ab astutia petitis sanari possunt. At qui hisce non ut remediis utuntur, sed ut quotidiana cibo pascuntur; suo sibi iumento, quod dicitur, malum accersunt, idq; duas ob causas: quarum prima est, quod ut calliditatis opinio semper & apud omnes est odiosa; ita præcipuus eius effectus est, quod excæcat eorum ipsorum qui ea utuntur oculos, falso existimantium, posse se suis artibus quosvis pro suo arbitrio circumuenire. Secunda, quod Princeps suorum ministrorū iudicia deprauat, qui etiam si nati à ab eiusmodi & consiliis actionibus abhorrent, Principi tamen, ut & ipsi sapere videantur (cos enim homines, sed imprimis Principes sapientes iudicant qui idem cum ipsis sentiunt, aut sentire se simulant) per omnia obsequi, nisdemque artificiis uti, in animum inducunt; sic ut breuī quot Consiliariis, tot vulpeculis Princeps circumdatus videatur. Quum vero fieri non possit ut vas quodpiam alium stillet liquorem quam cum quem habet: illud quoq; necessariò sequitur ut si qua tempora eiusmodi ministri operam requirant, illi sine dubio iis artibus in agendo utantur quas ab ipso didicerūt, simulatione scilicet & priuatæ utilitatis respectu. Sunt verò Administratorum quatuor genera: primum eorum qui ad consilia status, id est, de imperii

admini-

*Administro-  
rum genera  
quatuor.*

administratione adhibentur: secundum, quibus rei bellicæ cura est commissa: tertium, qui prouinciis & oppidis sunt præfecti: quartum, qui magni momenti obeundis Legationibus sunt destinati. Hi omnes necesse est vt bene à natura, melius etiam ab educatione, doctrina & experientia sint informati, ita vt ipsa quidem conditione priuatorum vitam degant; habitudine vero & animi dotibus, Principibus sint æquales. Quantò vero longius horum vnusquisque; ab ea quæ requiritur perfectione aberit; tanto minus conducibilem rei publicæ operam præstabit.

CAPVT VII.

*Quindecim administrandi imperii adminicula,  
siue instrumenta breuiter explicata.*

**I**AM vbi Princeps rei publicæ gubernaculis manum admouit, & primis actionibus singularem quandam de virtutibus suis, religione imprimis & prudentia concitauit expectationem; omni studio eò incumbere cum oportet, vt egregiè illam non sustineat tantum, sed etiam vincat: quod fiet, si iis quæ superius diximus, imperii administrandi instrumentis recte ac perite vtatur. Horum primum est, vt populorum ingenia & mores à natura insitos bene habeat perspectos. Et si enim ex eadem, quod dicitur, farina, eademque materia omnes sunt homines, atque eadem naturæ vi atque effectibus in lucem hanc producantur; constat tamen admirabilem

B esse

*prudentia  
in noscendis  
subditorum  
ingeniis.*

esse ac pæne incredibilem hominum inter se dissimilitudinem, & variam pro locorum diuersitate naturam. Cuius rei causam præcipuam cœli ac siderum viribus nonnulli tribuunt; vnde & in hominum ac ceterorum animalium ingeniis ac naturis diuersi existunt affectus atque inclinationes, adeo vt vna natio non diuersa ab altera, sed plane etiam contrariis moribus ac motibus prædita videatur. quinetiam ipsi terræ à cœlestium corporum influxu diuersæ imprimuntur vires, atque in diuersæ affectiones nascuntur. Tanta præterea vis est educationis, vt etiam ipsi quodammodo naturæ vim afferat, & à communi viuendi consuetudine transuersam agat. Vnde non satis est Principi perspectas habere in vniuersum naturæ humanæ virtutes & vitia; sed quæ propria etiam sint eorum quibus imperat populorum, considerare oportet. Qua in re quidem, vtpote per vulgata & omnibus fere nota, non multum operæ & studii ponendum est; sed animum tantum aduertere satis est. Ex hac cognitione secundum caput nascitur, quod est *Prudentia in legibus ferendis*, vt scilicet quæ quibus populis congruant, bene intelligatur. Vt enim quantumvis equestris artis peritus non facile dixerit, quodnam & quale frænorum genus equo alicui conueniat, nisi naturam eiusdem & ingenium prius habeat exploratum: ita nec Princeps subditos in officio continebit, nisi legibus ad eorum mores & ingenia accommodatis. Nam etsi tam distribu-

tiuz

*In ferendis  
legibus. -*



tiuz quam correctiuz iustitiæ proportio ab vniuersali contemplatione naturæ humanæ sumitur; nihilominus tamen in actionibus postea ad populi, immo hominis cuiusque naturam & mores semper est respiciendum. Apud Asiaticos quidem si quis aliud ciuitatis vel imperii genus quam regale & despoticum constituere velit; multum errauerit, nec diu sanè imperium tenebit. Est enim populo illo sine cœli siue educationis, vel potius vtriusque vi & natura nihil mollius, nihil seruius; cui non tantum conuenit, sed necessarium etiam est prædictum imperii genus. At si hoc idem quis nonnullis Europæ populis imponere tentauerit; seipsum vnà cum imperio funditus euertet.

*Asiaticorum  
ingenia.*

C A P V T V I I I.

*Rei militaris constituenda præcepta  
quedam.*

**E**X tribus imperiorum fundamentis vnum est **VIS** siue **VIRE**s; quæ præcipue ab *Armorum* vsu dependent. *Armorum* vsus sine *Disciplina* exiguus vel potius nullus est. Leges vero siue præcepta ad *Disciplinam* militarem pertinentia quadruplicis sunt generis. *Primum* est eorum quibus vniuersim homines educationis diligentia ita formantur, vt & animis ad obtemperandum, & corpore ad labores tolerandos fiant apti: quibus duabus rebus, obediētia scilicet & laborum tolerantia omnis militiæ vis, & utilitas continetur: nec vllum reipublicæ

*Milites quo-  
modo for-  
mandi.*

maius beneficium conferre Princeps possit. *Secundum* ad Dilectum spectat. Cœli enim ac regionum diuersitas magnam efficit in hominibus morum atque ingeniorum varietatem & dissimilitudinem; quæ quidem nulla etiam quantumuis accurata educatione ac disciplina immutari potest. Frustra enim sit qui eam intrepidi animi præsentiam & mortis contemptum ab Australibus exigit vel expectet qui in Aquilonaribus cernitur; quos tamen illi ingenii acrimonia & sagacitate longe vincunt. At qui in temperatis degunt regionibus, non minus Prudentia quam Viribus & robore valent. Ex quo patet non omnino verum esse illud quod vulgo dici solet, qui viros habeat, bonos etiam milites, si velit, habere posse. neque enim formæ imprimi possunt, nisi pro dispositione materiæ. Constat certe patentibus præsertim locis, ad victoriam cōsequendam omne fere momentum in seruandis ordinibus esse positum: quam ad rem Arabes, Parthi, & omnes fere Asiæ populi omnino fuerunt, & hodie etiam magna ex parte sunt inepti, non disciplinæ vitio aut defectu, sed animi tantos impetus sustinere non valentis inopia. Qui igitur diuersæ naturæ populis imperat Princeps, in deligendis militibus summo uti iudicio debet, & in singulis atque vniuersis morum ac naturæ rationem habere. *Tertium* rei militaris bene cōstituendæ præceptum illud est, ut quodnam militiæ quodq; armorum genus populo alicui conueniat, inspiciatur.

Sunt

*Qui eligendi.*

*Militia & armorum genus considerandum.*

Sunt enim alii ad equestrem, alii ad pedestrem; alii ad terrestrem, alii ad naualem militiam aptiores: hi hastis & sarissis; illi scloppis melius vtuntur: & e contra. Est etiam in ipso armorum genere magna varietas, & magnū ad victoriam momentum: quæ quidem Romani sæpissime mutarunt, donec tandem eorum quæ optima exemplis siue formis ab vnaquaq; gente sumtis, inuictas suas acies fecerunt. *Quartum* ea præ-Rei militaris  
scribit quæ in singulis militiæ functionibus ob-  
partes sine  
seruanda sunt. Harum quinque sunt: iter face-  
minera.  
re, castra metari, prælium committere, defendere, oppugnare. Horum vnumquodvis recte administrari tanti interest, vt vel solius huius disciplinæ fulcro etiam parum sanum ciuitatis corpus sustineri queat. Antiquam illam Romanorum rempublicam mihi aliquis consideret, nullam profecto reperiet quæ mutationibus magis fuerit obnoxia, quæq; intra sua ipsius viscera tot seditionum, turbarum, ac tandem panoethriæ causas inclusas habuerit. At sola militari hac disciplina non dignitatem modo illa suam quam diutissime conseruauit, sed orbis etiam terrarum imperium moderata est. Porro in omni re militari præcipuum munus est imperatoris, in quo multa, sed quatuor hæc imprimis requiruntur, rei militaris scientia longo vsu acquisita, virtus, auctoritas, felicitas. Ad primum quod attinet, quis nescit bonos imperatores non à schola & umbra, sed è campo & puluere dari solere? qui magistra Experientia,

In imperatore  
re qua requi-  
rantur.

*Experientia  
militaris in  
quibus rebus  
consistat.*

& Vsu doctore præcepta militiæ animo combi-  
berint. *Isum* appello, interesse consiliis siue de-  
liberationibus, executionibus præesse, vel cer-  
te adesse, considerare euentus: è quibus rebus  
illa deinde nascuntur Prudentiæ munera: occa-  
sionibus oblati bene vti; vireis suas cum ho-  
stium viribus sollicitè componere; ad omnem  
euentum & casum subsidia parata habere; con-  
silia sua ad res præsentès accommodare; res qui-  
bus opus est prouidere; temporibus insidiari;  
hostium incommoda ad suas vtilitates trahere;  
quando necesse sit præuertè, quando diuer-  
tere; quando ab armis, quando sine armis spe-  
randa sit victoria; quando præcocibus, quan-  
do maturis consiliis vtendum, nouisse; seueri-  
tatem denique cum humanitate decenter tem-  
perare; quo vno nullum est ad continendos in  
tanta morum & linguarum varietate, militum  
animos vinculum robustius, vt quidem Anni-  
balis exemplo patet, hac præcipue arte ad o-  
mnè militare munus informato milite, ad tan-  
tam magnitudinem prouecti. Iam *Virtute* im-  
peratoris ( quæ est Corporis animique vigor  
quidam, & simul Animi probitas ) tamquam  
spiritu & anima totus sustentatur ac viuit exer-  
citus; in eaque etiam præcipue boni euentus  
& victoriæ spes sita est. Quamuis enim pro-  
prium boni imperatoris munus non sit Pugna-  
re siue manum conferere, sed Aciem ad Pugnam  
ita instruere, vt certa sit spes victoriæ; sine pro-  
pria tamen Virtute & corporis atque animi va-  
lore

*Virtus impe-  
ratoria qua.*



lore ne hoc quidem recte atque feliciter poterit administrare. *Auctoritas* vero ( quæ existimatio est & fama de virtute imperatoris, meritis acquisita ) viuum quoddam est & efficax exemplum, quo militum animi & ad imitationem prouocantur, & ad fiduciam animantur. Quum denique in omnibus rebus humanis *Fortuna* *Felicitas.* magna vis, in bello vero longe maxima sit; eius sane diligens etiam ratio habenda est. Sunt enim quidam profectò quartâ ( vt dicitur ) lunâ nati; & qui domi equum Seianum habent; adeo vt vix quidquam prospere gerant: quales in Italia duo fuerunt, cladibus magis quam vlla alia re celebres; patrum quidem nostrorum memoria Bartholomæus Aluianus, cui nihil ad manum successit præter strages, & fugas & cædes: & superiori tempore Petrus Strossa, vir excellenti virtute & rara prudentia præditus, sed occulto quodam irati cœli ( vt quidem ipse dicere solebat ) odio ita infestatus, vt ex multis rebus quas aggressus est, vix vlla felicem fortita sit exitum. Contrâ alii tam benignam habent fortunam, ( vel vt rectius loquamur ) tam propitium habent cœleste numen, vt venti etiam tempestatesque eis quasi obsecundent; quibus etiam temere cœpta ad nutum fluunt. Et his quidem tuto Princeps imperia mandet atque exercitus committat, spretis illis; nisi forte tanta ducum labore inopia, vt electioni non sit locus. Quod quando contigerit, seipsum accuset Princeps, qui tantas & tam necessarias ad

imperandum res, quæ & belli subsidia & pacis ornamenta sunt, non maiori studio procurarit.

## CAPVT X.

*Quibus modis, quaque industria pax tuenda sit.*

*Bellorum  
diuisio.*

**B**ELLORVM tria genera sunt. Primum quando Reipublicæ alicuius vel imperii membra inter se configunt: quod *Ciuile* dicitur. Aut subditicum Principe: vel iniuriis atque imperii acerbitate coacti; vel nouandarum rerum studio, aut aliis affectibus stimulati: quorum illud æquitatis nonnihil habere videtur; hoc verò iniustæ *Rebellionis* nomine censendum est. Aut Princeps vnà cum subditis vim & Arma in Principem alienum conuertit: quod bellum *Externum* nominatur. Pacem verò præclare ille ac optime tuebitur, qui nulli horum motuum fenestram aperiet, aut causam dabit. In Monarchia quidem siue regali ciuitatis genere *Ciuile* bellum plerumq; nascitur, vel ab ingenii, vel ab ætatis in Principe imbecillitate. Opus ergo est vt qui iam rebus præest, successoris sui diligentem habeat rationem, vtq; omnia ita disponat vt quibusvis in futurum etiam incommodis via obstruatur. In quo quidem duas res inprimis sedulo procurabit, statum scilicet religionis, & procerum. Religione enim mutata, semina statim *Ciuilis* belli sparguntur, & rerum nouarum cupidis ansa mutandi etiam vel oppugnandi certe imperii præbetur: dum scissis in diuersa studia procerum animis ad familiam aliquam

*Vnde Ciuile  
bellum oria-  
tur.*

quam

aliquam rerum summa defertur: cuius potentiam deinde, mutatis temporibus, & inbecilliori Principe succedente, ceteris non ferentibus, aut illis ipsis etiam maiora ausis, Ciuili bello aditus proculdubio patefiet. Subditorum in Principem arma vno tantum casu pia & iusta videntur; quando scilicet Princeps repudiata & profligata vera religione, nouas sectas inuhere ac stabilire conatur. Religionis enim quo Deo obligantur homines vinculum multo arctius est & sanctius quam cetera omnia, siue naturæ, siue legum, siue voluntatis. Extra hanc vnam causam subditorum est bonos Principes desiderare atque amare; malos tolerare. quod si non fiat, sed vnicuique ius inuadendi Principem detur, breui omnia imperia pcssum sint itura. Neq; tamen ita hæc subditorum officia interpretabitur Princeps, vt eorum quæ vicissim à se illis debentur, obliuiscatur: quum homines iis tantum æquo animo, ac sæpe ne his quidem obediant, quos pro ipsorum salute excubare animaduertunt; & vnicum mali Principis sanandi remedium, Ferrum esse putent. *Rebellio* aut à subditorum natura & ingeniis, aut imperii forma, *des* aut Principis moribus originem sumit. Qui enim natura inconstantes & vani sunt, nouis plerunque rebus student, & quamuis occasionem non arripiunt tantum, sed & quærunt, Exemplo sint regni Neapolitani incolæ, qui superiori ætate dominos toties mutarunt, modo ab his modo ab illis deficientes. Quod si sit ea imperii

alicuius conditio vt plures ius in id prædant,  
 ac eorum quilibet siue totum siue partem eius  
 aliquando tenuerit; fieri sane nõ potest quin il-  
 lud totum factionibus & discordiis tumeat: vn-  
 de fiet vt is qui rerum potitur, vel aperta vi, vel  
 occultis odiis à suis oppugnetur. Porro qui-  
 bus Principis culpâ inflammari facile possunt  
 & solent ad Rebellionem subditi, duo sunt; ni-  
 mirum si vel iniustus, vel fortuna sua indignus,  
 nec tantis negotiis par videatur: quorum hoc  
 facile è proceribus aliquem viribus suis fiden-  
 tem ad imperii inuasionem existimulabit; il-  
 lud vero vniuersos non sine iustitiæ colore ad-  
 uersus Principem armabit. Quum enim iusti-  
 tiæ tantum fruendæ, & omnis à se iniuriæ de-  
 pellendæ causâ regibus ac Principibus impe-  
 ria ab ipsis hominibus tributa sint; horum ve-  
 ro neutrum ab iniusto vel inepto Principe re-  
 cte præstari possit: manifestum sane est, neque  
 huius neque illius imperium homines æquo a-  
 nimo laturos. Vt vero Princeps ad imperan-  
 dum aptus sit, requiritur Naturæ bonitas: quam  
 Educationis diligentia adiuvat, Experientia ve-  
 ro ad summum perducit. quarum rerum ad ius-  
 titiam tam correctiuam quam distributiuam  
 administrandam magna vis est: eoq; ex omni-  
 bus imperandi instrumentis nullum ad imperii  
 stabilitatem firmitus est magisq; necessarium.  
 Est verò *Iustitia distributiva*, quæ commoda, ho-  
 nores, & onera etiam æquabiliter partitur.  
 Quod si Princeps utilitates nimis parce dilar-  
 giatur,

*Iustitia di-  
 stributiva  
 quid.*



giatur, parum amabitur; si inconsiderate honores distribuatur, multorum odia incurret; si onera pacis tempore cum cuiusque viribus non exæquet, pro tyranno habebitur, in bello autem certissimam sibi attrahet ruinam. Avaritia vulgaris offenditur; imprudentiâ in distribuendis honoribus, nobilitas. Iam si favore magis quam meritis Princeps ducatur; ii qui iniuria se præteritos existimant, cum suo etiam exitio Principi perniciem machinabuntur. Et quamvis iniusta hæc distributio semper & omnibus in rebus magna afferat incommoda; multo tamen plura in bello, ubi ministrorum fide atque amore magis opus est. Neque enim vlla res Ludovici Sfortiæ res tantopere afflixit, ut ex opulentissimo Principatu deiectus, tot tantarumque rerum viginti dierum spacio iacturam fecerit, quibus bellum in multos annos ducere potuisset; quam quod Galeatium Sansseverinatem, bonum palæstritam, sed malum militem, exercitibus suis præfecit, ac fratri etiam suo ætate & rei militaris peritia longe illum antecellenti, prætulit. Qua iniuria ictus, tanta indignatione atque odio in fratrem is exarsit, ut omnium beneficiorum oblitus, nihil aliud cogitarit atque egerit, quam ea quibus fratri ac domino suo nocere se posse existimabat. Tantum scilicet, præsertim in generosis animis, potest indignatio, & ultionis cupiditas. Nec singulorum odia tantum & indignationes, sed rebelliones etiam populorum inde existunt, quando Præfectura siue dignitates

Ludovicus  
Sfortia error

gnitates publicæ non ex merito, sed pro libidine Principis tribuuntur. Prouinciæ enim quibus à Principe præses datur tanto muneri impar, breui eò rediguntur, vt subditos imperii pœniteat, & neque Principem amplius neq; eius Administros ferre possint. Cuius rei exemplum nobis præbet Sicilia, quæ duodeviginti annis continuis ab impotenti & libidinoso homine, quem rex insulæ præfecerat, vexata, tandem à Galliæ regno Anno M. CC. LXXXII. omnino auulsa est, cum tanta gentis eius strage. Nec vero minus periculosum est & noxium Principi, vnum aliquem ita prouehere vt vnus omnia possit, & regat. Hoc enim modo Principatus vnitas dissoluitur, Consilium quod circa se Princeps habet, in factiones distrahitur, imperii Arma & vires retunduntur, Iustitiæ rationes conturbantur, Princeps denique ipse variis artibus continuo circumagitur, & inexplicabili reti illaqueatur, cum maiori vel minori periculo, prout ille à quo Princeps dependet, vel magis vel minus vasto fuerit ingenio. Principatus vnitas etsi multis modis soluatur; hoc tamen maxime, quando Princeps tanto vnum aliquem fauore complectitur, vt in rebus & consiliis ad imperii summam pertinentibus, solum illum atque vnum fere audiat, vnus consilio vtatur, ac totus nutu ipsius atque arbitrio regatur. Sic enim ceteri Principes apertam semper habituri sint fenestram, per quam facilis eis pateat ingressus. Sed & in eo vno spes suas omnes subditi colloca-

*Vnus non  
prouehendo.*

collocabunt; & quod Principis bonitati & clementiæ debent, ministri virtutibus & gratiæ referent acceptum. Distrahitur etiam hoc pacto atque enervatur quod circa Principem est Consilium, omnibus certatim eius qui tanta apud Principem floret gratia amicitiam ambientibus, & fauorem captantibus: ex quo fiet, ne cum offendant, vt sententias minus libere dicturi, ac consilia minus sincere expromturi, iamq; non Consiliarii Principis, sed illius qui apud Principem magnus, mancipia merito sint appellandi. Quæ quidem res tanto grauiora afferebat incōmoda ac pericula, quanto maiori æmulatione procures gratiosi illius potentiam prosequuntur. Nec consilium tantum, sed Arma etiam atque vires suas nimio vnus prouehendi studio enervabit Princeps. Tales enim Principis facilitate abusi, non ad publicam, sed ad priuatam actiones suas dirigunt vtilitatem; eoque vel ipsa consilia ac deliberationes interrumpunt, vel executionem procrastinant, quæ plerumq; non aptissimo, sed ei quem gratiosus ille obnoxium sibiq; obsequentem habet, demandatur: aut cōsiliorum progressus ipsi remorantur, eorum præsertim quæ æmulis suis honorem & gloriam sint allatura. Et vt horum nihil faciant; satis tamen est facere posse, & vel sua ipsorum voluntate, vel aliorum instinctu impelli ac moueri. Iustitiæ rationes etiam conturbantur, quod ceteri magistratus talium potentiam metuunt, Quamuis enim leges vnum veluti vul-

tum

tum ac formam semper retineant, atq; vna lingua loquantur; quia tamen ii in quorum manu exsecutio consistit, homines fere sunt egentes, nec contra vim satis firmi, ad eorum nutum quos primum amicitiae gradum apud Principem obtinere vident, omnia sua fere consilia accommodant, legesque ita interpretantur, vt eum cuius gratiam vnice captant, velle intellexerint: qui interim tam suas quam amicorum res, promouendi studio, ipsi iustitiae cum Reipublicae detrimento, & non sine ipsius Principis infamia, vim asferre nunquam dubitabit. Inexplicabili etiam variarum ad decipiendum comparatarum artium reti illaqueatur Princeps: quum omnes ii qui in Principis gratiam sese insinuare, eamque tueri nouerunt, astutia singulari sint praediti: sine qua vix momentum mutabiles illas Principum voluntates (qui vt ardentissime cupiunt, ita facillime rursus fastidiunt) deuinctas sibi retinere queant. Ad hoc vero efficiendum, sex his rebus plerunque vtuntur. Primo, quod persuadent Principi, nihil aliud se agere & spectare, quam vt Principis & imperii utilitatibus seruiant. Secundo, quod oculos Principis ita perstringunt ac fascinant, vt nihil in eis deprehendat nisi quod cum sua ipsius natura & moribus quam optime conueniat. Tertio, quod Principi ita adulantur, vt sua etiam vitia pro virtutibus, aut certe nauius leuissculis & ipsi habeant, & ab aliis haberi velint; quare imperito Principi nihil gratius est & acceptius,

*Artes tuen-  
da gratia.*



reptius. Quarto, quod quibus possunt modis  
 ceteros omnes à Principis gratia & amicitia  
 summouere student, eos præsertim in quibus  
 non vulgaris virtutis sunt indicia: in quo tamen  
 grauiter errant. Quinto, quod æmulos per a-  
 liorum latera petunt, & cum aliorum inuidia e-  
 uertunt. Sexto denique, quod magnitudinem  
 suam & potentiam simulata quadam humilita-  
 te & affecta mansuetudine celant. Quibus ar-  
 tificiis deceptus atque incantatus veluti Prin-  
 ceptus in eius animalis, veluti Proteus aliquis, for-  
 mam transmutabitur, quam magus ille seu ve-  
 neficus volet. Periculi vero quod Principi hinc *Incommoda,*  
 impendet magnitudo ex animi magnitudine *ubi unus a-*  
 quæ in gratioso illo cernitur, æstimari debet: *puat Principi-*  
 quis si non indies potentiam suam atque aucto- *pem omnia*  
 ritatem augeat, detrimentum etiam se fecisse *potest.*  
 arbitrabitur. Iam in quo tanta est crescendi cu-  
 piditas, is tandem etiam temporis & occasionis  
 beneficio eo usque progredi poterit, ut nihil am-  
 plius simulatione aut artibus illis opus sibi pu-  
 tet; sed aperte imperium affectet. Et quamuis  
 nullum aliud inde sequeretur incommodum;  
 illud vnum tamen grauissimum existimari de-  
 bet, quod tanta vnius hominis potentia ac ho-  
 nore multum de Principis existimatione detra-  
 hatur; quem plerique omnes propria imbecil-  
 litatis conscientia in talem hominem omnia  
 imperii momenta ac pondera imposuisse, o-  
 mnesque honores concessisse suspicabuntur:  
 quo nihil est vel ad abalienandos subditorum  
 animos,

*Principis a-  
micitia quo-  
modo uten-  
dum.*

animos, eorum præsertim qui virtute & meritis excellunt, vel ad enervanda præcipua imperii instrumenta efficacius; quàm & Prudentia & Iustitia in eo desiderari videantur. Quoniam vero Princeps & ipse homo est, à quo nihil humani sit alienum; homo verò naturâ animalis est sociabile: mirum sane non est & ipsum amicos sibi quærere, sed præ ceteris vnum plerumq; eligere, quicum interioris animi sensa communit, quicum in grauibus & seriis rebus deliberet, in lætis vero se oblectet. Huic sane ut amicitia hac Principis prudenter utatur, in primis opera danda est; & amicitia affectus ita temperandi, ut ne Principatus effectus corrumpantur.

*Onera æqua-  
liter parti-  
enda.*

Quod vero distributiua Iustitiæ munus quoq; esse diximus *onera exæquare*, constat sane nulla re magis subditorum animos exasperari & ad seditionem inflammari, quam si debita hæc proportio non seruetur: à quibus desertus Princeps, dignitatem suam minime tueri possit, nec illi officium suum exsequi: quod est, Principem modis omnibus adiuuare, ut æquabiliter iustitia omnibus administretur, & vis externa repellatur. Onera vero quæ populis imponuntur, varia sunt, pro cuiusque regni ac ditionis statu ac moribus. Quatuor tamen præcipua sunt. Tributa pecuniaria, Seruitutes personales, Ius siue Reservatio Regalium, Commoda Hospitiorum siue vectigalia tabernaria. Tributa pecuniaria duorum sunt generum. Ordinaria, atque Extraordinaria. Illa sunt antiquitus usurpata, ut

*Eorum spe-  
cies.*

*Tributa*

vectiga-



uestigalia, portoria, decimæ, & id genus: hæc vero nomen inde habent; quod extra ordinem imperantur, exigente scilicet publica aliqua imperii vel Principis necessitate; aut quando illa etiam ad tempus augentur. *Seruitutes.* Seruitutis personalis duplex item genus est, vnum; à Principis iussu & voluntate, subditos tam pedites quam equites ad militiam euocantis. Alterum à feudi obligatione; quales sunt illi qui prædii quod possident nomine Principi ab hostibus oppugnato suo ære ad certum temporis spatium militare tenentur. *Regalia.* Regalium ius percipitur ex thesauris, syluis, venationibus, sale, metallorum fodinis, aliisque rebus, in quas soli Principi ius est. De Hospitiorum siue tabernariis uestigalibus dicere operæ pretium non est. *In tributis ordinariis* exigendis iniustitia multis modis committitur: quando scilicet ea calamitosis temporibus; quando prius quam debentur; quando à ministris violentis & auaris acerbè exiguntur: quibus rebus fit vt etiam quæ iusta sunt, iniusta videantur. *Quomodo in his peccetur.* In *extraordinariis* multipliciter etiam peccatur: quum scilicet ordinaria illa in immensum augentur, quum profusis largitionibus priuatorum opes exhauriuntur, quum noua quotidie excogitantur, & vel vi vel fraude extorquentur, quum monopolia instituuntur, &c. *Personalis seruitus* tum cum iniustitia coniuncta est, quando maior militum numerus scribitur quam imperii opes ferre possint; quando plus exigitur eo quod quisque fiducia nomi-

ne debet, aut virium ratione potest; quando avaris ministris in prædam dati, servitutem magno redimere, aut ultra tempus etiam servire coguntur, aut ad expeditiones factionesq; non necessarias euocantur; &c. quarum rerum notitiam nos harpyis illis aulicis & hirundinibus lubenter relinquimus. *Regalium exactio* iniustitiâ fere caret, nisi quis Princeps insolenter & tyrannice ea utatur. Iniustitia vero hic committetur, si nova excogitentur atque instituantur, quod rex quidam Franciæ olim in Delphinatu non sine populi offensione & motu tentavit. Sed & ad distributiâ iustitiæ administratiōnem *privilegia* pertinent, *vacationes* & *immunitates* subditis à Principe, ut perpetua essent meritōrum in se testimonia, concessæ. His enim si non integre uti frui liceat, sed omnes eodem iure censeantur, & ad onera vocentur: certum est, iniuriam fieri ei cui suis meritis acquisita immunitas eripitur; eleuari iudicium eius qui concessit; violari religionem & fidem eius qui iuramento firmavit; omnibus denique ad calida & abrupta consilia stimulum addi, iis præsertim in regionibus quarum incolæ non minus publicam rem quam priuatam curæ habent. Ex quibus omnibus intelligitur, quantam vim illud in Principatu siue Republica recte administranda habeat, ut scilicet utilitates, honores, atque etiam onera æquabiliter distribuantur: quod iustitiæ distributiæ, de qua hætenus breuiter, munus est. *Correctiæ* vero in eo versatur,



satur, vt errores omnes in vita ciuili ac commerciis quibus hominum violatur societas, tollantur atque emendentur. Errorum hi alii existunt ex contractibus mutuo consensu factis, vt in emtione & venditione, & similibus, in quibus fraus occultatur; vnde Ciuiles causse nascuntur. Si aperta vis interueniat, vt in furtis, homicidiis, &c. causse illae dicuntur Criminales. In corrigendis eiusmodi erroribus quatuor haec obseruanda sunt, Legis qualitas, Iudicis munus, Aequitatis moderatio, Principis natura. In lege tria requiruntur, vt populi illius cui posita est, ingenius & moribus sit consentanea, non minus quam remedium morbo, & aegrotantis complexioni; vtque temporibus etiam sit accommodata. Vt aequabilem habeat distributionem, secundum proportionem arithmeticam. Vt quoad eius fieri potest Iudicis arbitrium tanquam freno quodam constrictum teneat, nec exorbitare patiatur. Iudicis partes tres sunt; Intelligere quod iustum est; Amare ac

*Correctina  
iustitia quid.*

Velle quod iustum est; idque etiam Executioni demandare, &c. Sed de his  
alibi fusius erit dicendi locus.

F I N I S.

C 2 THE.